

Skedules Van Die



Beestelersgenootskap

INHOUDSOPGAWE

		Bladsy
SKEDULE A	Gelde, Koste en Tariewe	3
SKEDULE B	Kalfgeboortekennisgewings	6
SKEDULE C	Standaard van Voortreflikheid	7
SKEDULE D	Veilings	18
SKEDULE F	Prosedure: Aanstelling van Hoofras, Senior en Junior Keurders & Beoordelaars	21
SKEDULE G	Lidmaatskap	23
SKEDULE H	Keurings	23
SKEDULE I	Sertifisering	24
SKEDULE J	Sertifikate	24
SKEDULE K	Kunsmatige inseminasie	24
SKEDULE L	Komitees	25
SKEDULE M	Klubs	26
SKEDULE N	Skoue	26
SKEDULE O	Oordragte	27
SKEDULE P	Inovulering	28
SKEDULE Q	Toelaes	29
SKEDULE R	Hulpstamboek en Ontwikkeling	30
SKEDULE S	Preferenskapstelsel	30
SKEDULE T	Privaat kudderegister of Kudde Kaart	
BYLAE A, BYLAE B, BYLAE C, BYLAE D, BYLAE E		

SKEDULE A

GELDE, KOSTE EN TARIWE

***NB – NEEM KENNIS DAT ALLE TARIWE BTW UITGESLUIT IS**

1. TARIWE VIR LEDE EN GEREISTREERDE TELERS

1.1 Ledegelde

a) Intreegelde	R 500.00
b) Jaarlikse Ledegelde (Pro-rata tot 30 Junie vir nuwe toetreders)	R1 100.00
c) Spesiale, en Juniorlede	R 450.00
d) Lewenslange lidmaatskap: Gelykstaande aan 10 jaar lidmaatskap	R10 000.00

1.2 Jaarlikse Per Kapita Fooi

a) Manlike (kalfboek of geregistreerde) diere ouers as 1 jaar	R56.55
b) Vroulike (kalfboek of geregistreerde) diere ouer as 1 jaar (Glyskaal van toepassing op alle diere gehef)	R56.55
c) Nuwe Lede voor 30 Junie 2014 aangesluit: Eerste aanvaardings – Nuwe diere vir eerste 3 jaar van lidmaatskap 50% afslag op vroulike diere.	
d) Alle Eerste Aanvaardings gekeur na 30 Junie 2014 : Heffing per geregistreerde dier – Pro-rata tot 30 Junie	Gratis

1.3 Aantekening van Diere

a) Geboortekennisgewings	0.00
b) Boetes – Laatgeboortekennisgewings U het 90 dae om die geboortekennisgewing in te handig. Dit wil sê vanaf geboorte tot en met inhandiging het u 90 dae tyd. Geboortekennisgewings inhandiging na 90 dae vanaf geboorte word beskou as 'n laatgeboortekennisgewing.	
i) 91 tot 120 dae laat	R25.00
ii) 121 tot 150 dae laat	R30.00
iii) 151 tot 180 dae laat	R35.00
iv) 181 tot 210 dae laat	R40.00
v) Maksimum boete (óf soos deur die Raad bepaal mag word)	R50.00
vi) Indien laat geboortekennisgewing 365 dae oorskry sal die toepaslike Per Kapita Fooi betaalbaar wees.	

1.4 Inspeksie Fooie

- a) Aansoek om inspeksie vir jaarlikse inspeksie moet vergesel word met 'n deposito per dier gelykstaande aan die vorige jaar se totale keuringskoste gedeel deur die aantal diere gekeur vir die jaar plus die administratiewe fooi van R10.00 per dier gesien.
- b) Nadat die jaarlikse inspeksie plaasgevind het, word alle koste van die jaarlikse keurings gedeel deur die aantal diere gekeur en pro rata per teler bereken minus die deposito betaal plus die administratiewe fooi van R10.00 per dier gesien.
- c) Spesiale Keuring (Sluit Naspeense Groeitoetse en nuwe toetreders in)
 - i) Vroulike diere bedrag soos in 1.4 b) plus reiskoste

- ii) Manlik diere soos vir vroulike diere (1.4 c) i)
- iii) Nuwe toetreders soos in 1.4 c) i)
- iv) Reiskostes per kilometer (Word Jaarliks deur die Raad bepaal) R3.35

Administratiewe Dienste deur kantoor gelewer

- a) Rekenaar Dienste (per uur)
 - i) Optrek van Veilingskatalogusse **
 - ii) Optrek van advertensies **
 - iii) Enige ander – soos op versoek, indien moontlik **
 - ** Kontak Kantoor vir besonderhede en kostes
- b) Uitstuur van inligting volgens adreslys of e-posadreslys
 - i) Admin koste (as lid inligting voorsien wat uitgestuur moet word, bv. Advertensies, inligtingstukke pamflette of nuusbriewe) R500.00
 - ii) Fotostate – indien slegs 1 meester dokument voorsien word (per afskrif) direkte koste
 - iii) Posgeld, diverse koste en koeverte sal deur lid betaal word.

1.5 SA Stamboek vereniging

- a) Diere Aantekening
 - i) Ledegelde***
 - ii) Direkte Handeling***
 - iii) Per Kapita Heffings – Jaarliks***
- b) Produksie Aantekening
 - i) Ledegeld***
 - ii) Per Kapita Heffings – Jaarliks**

Alle diere op lid se naam, geregistreer en aangeteken, word gehef.

***Koste word jaarliks deur die SA Stamboekvereniging bepaal en direk gehef.

1.6 Gradering van kudde

Gradering / klassifisering per dier volgens Standaard van Voortreflikheid – Skedule C R5.00 plus Reiskoste

1.7 Duplikaat Sertifikate

Uitsluitend SA Stamboek koste
Direkte handeling Stamboek

1.8 Herinstelling

Herinstelling per Gekanselleerde dier – Stamboek fooi uitgesluit 60.00
Per kapita heffing vir tyd wat dier gekanselleer was, sal gehef word

1.9 Amptelike Veilings onder Beskerming Verwys skedule D

Alle Veilings van geregistreerde diere .5%

1.10 Vervoer van diere in opdrag van die Genootskap

- a) Eienaar vervoer per kwotasie
- b) Transport Kontrakteur per tender en faktuur

1.11 Telers se benodighede

- a) Geboortekennisgewingboeke of elektronies
- b) Koei rekord kaarte of elektronies
- c) Inspeksieboeke of elektronies
- d) Dasse, hemde, sakwapens, ens. (Alle promosiemateriaal) **Koste beskikbaar op aanvraag.

1.12 Rekenings vir dienste deur lede gelewer

Rekening moet binne 30 dae ingehandig word vir vereffening.

1.13 Rente

Rente sal op agterstallige rekenings gehef word teen 1% per maand.

1.14 Tantieme

Tantieme op saad van KI bulle sal deur die KI Stasie en die Uitvoerende komitee in samewerking met die eienaar bepaal word.

2. TARIWE VIR KOMMERSIELE EN SPESIALE LEDE**2.1 Ledegelde**

- a) Jaarlikse subskripsie R400.00
- Alle ander tariewe is verder van toepassing op kommersiële lede.

3. TARIWE VIR NIE-LEDE**3.1 Inspeksie per dier**

- a) Per kwotasie

3.2 Oordragte per dier

- a) Per kwotasie

3.3 SA Stamboek

Kostes word jaarliks deur SA Stamboek bepaal en word die lede direk deur SA Stamboek gefaktureer en nie deur die kantoor van die Genootskap nie.

SKEDULE B

KALFGEBOORTEKENNISGEWING

1. KALFGEBOORTEKENNISGEWINGSVORM

Voorbeeld volg. Bylae A of elektronies via Logix Beef of Plaas sagteware

2. REGULASIES M.B.T. LAATKALFINSKRYWINGS

- (a) Boetes – Sien Skedule A: 1.3(b)
- (b) Aanskrywings na 90 dae, maar voor 180 dae, sal kalwers by hul moeders geinspekteur word om ouerskap te bepaal.
Reiskoste sal deur teler betaal word.
- (c) Kalwers wat ouer is as 180 dae sal opgeneem word, maar die Raad kan ouerskap deur middel van DNS bevestiging aanvra welke koste deur die teler betaal moet word.

3. KALFINSKRYWINGS

- (a) Kalwers van Hulpstamboek A koeie, wat in minder as 300 dae na keuring aankom, is aanvaarbaar mits hulle deur 'n geregistreerde of aangetekende bul verwek is en sodanig op die eenaar se naam oorgedra was.
- (b) Kalwers van kalfboek verse moet aangeteken word en is aanvaarbaar na goedkeuring.

4. DNS

- (a) DNS van stoetbulle ingebruik is verpligtend van 1 Maart 2006
- (b) Stertkwashare van alle stoetbulle in gebruik moet deur 'n goedgekeurde laboratorium getipeer word.
- (c) Slegs geboortekennisgewings van kalwers waarvan die vaders ge-DNS is, sal vir aantekening aanvaar word.
- (d) As 'n hulpmiddel vir akkurate teelrekords van kalwers op die stelsel van die SA Stamboek sal daar jaarliks 'n maksimum van 3 (drie) kuddes deur die SA Stamboekvereniging, in samewerking met die Raad, aangewys word, waaruit 5 (vyf) kalwers uit elk van die kuddes se ouerskap deur middel van DNS toetsing ooreen moet stem soos op die stelsel aangeteken. By versuim om aan die opdrag te voldoen, mag die telers se dienste opgeskort word en sal eers herstel word as die aagewysde diere positief verbind is met hul ouers.

SKEDULE C

STANDAARD VAN VOORTREFLIKHEID

1. MINIMUM STANDAARD VIR KEURING VOLGENS VOORKOMS EN PRESTASIE

Behalwe in die geval van nuwe Hulpstamboek A aannames, sal beeste nie goedgekeur word as daar nie prestasiesyfers tydens keuring is nie. Lede word onder die Konstitusie verplig om aan die Amptelike Produksie Aantekening Stelsel deel te neem voordat keuring kan plaasvind.

1.1 STANDAARD VAN VOORTREFLIKHEID.

1.1.1 Bul

(I) ALGEMENE VOORKOMS (20 punte)

‘n Swart aangepaste vleisbees met treffende lang, diep lyf.

RASEGTHEID EN KARAKTER

Soos blyk uit ‘n statige manlike kop, vorm van oë en kop, kromming en deursnit van horings, nekplasing en vorm van skof en skouers, lengte van rug en kruis, haarkleur en tekstuur.

BOUVORM

Duidelike omlyn, reguit, simmetries en egalig gevlees. Lyf lank, diep, breed met aanvallige bo- en onderlyn. Gemaklike vry gang met lang tree.

KWALITEIT

Soos blyk uit ‘n soepel dik vel, haarbedekking en tekstuur, sterk en plat been en vol egalige vleisbedekking.

KLEUR

Blink-swart met die verskynsel af en toe van grys kolle op die lyf en grys stertkwas. Wit is toelaatbaar in die onderlyn.

(II) MASSA EN GROOTTE VIR OUDERDOM (3 punte)

Volwasse massa nie minder as 800kg. Grootte en massa vir ouderdom gebaseer op Produksie gegewens, soos verskaf deur die Amptelike Produksie Aantekening Stelsel, is ‘n vereiste by keuring. Verwys na standarde Afdeling 1.2.3

(III) KOP EN HORINGS (10 punte)

Sterk en manlik. Neusspieël en Bek

Breed met groot swart neusgate, kakebeen goed ontwikkel.

Oë

Groot, wakker, wyd geplaas, oogbanke redelik prominent.

GESIG

Middelmatige lengte van oë tot bek met effense vernouing na die bek, dog goed gevul, reguit en wyd.

VOORKOP

Effens kort, breed, reguit, plat en gevul beide tussen die oë tot onder die horings.

PROFIEL

Weens redelike prominente oogbanke en vol voorkop vertoon profiel baie effens geboë. Neusbeen is egter plat en reguit.

KRUIIN

Plat en wyd tot effens prominent by onthoringde diere.

ORE

Groot, dog nie spits nie.

HORINGS

Sterk en matig lank, wit met swart punt in volwasse dier, rond of baie effens ovaal, kom sywaarts reguit kop, dan vorentoe en opwaarts. Onthoringde diere en natuurlike SP poenadiere is toelaatbaar.

(IV) NEK, SKOF EN KEELVEL (6 punte)

NEK

Matig, kort en sterk, bo breed en gevlees, diep met egalige aansluiting aan kop en skouers.

SKOF

Groot, plat en goed aan skouers geheg.

KEELVEL

Goed en eweredig ontwikkel. Sterk van kakebeen tot borsstuk.

(V) SKOUERS, BORSSTUK, BORSKAS, RIBBES EN KAPASITEIT (12 punte)

SKOUERS

Sterk, diep, goed en egalig gevlees, stewig aan kambene en ribbes geheg. Kambene nie prominent nie.

BORSSTUK

Wyd en redelik diep, nie te prominent nie.

BORSKAS

Diep, wyd en vol agter blaaië en elmboë.

RIBBES EN KAPASITEIT

Goeie ribsprong, rond en diep met goed ontwikkelde verteringsruim.

(VI) BOLYN, RUG, LENDE, HEUPE, KRUIS EN STERT (16 punte)**BOLYN**

Lank en reguit van kambene tot heupe.

RUG

Opvallend lank, breed en eweredig gevlees.

LENDE

Breed, vol en diep gevlees met mooi inskakeling by rug en kruisstuk.

HEUPE

Breed en goed bedek maar nie met prominente heupbene nie.

KRUIS

Goed bespierde, sonder vetophoping, opvallend lank, wyd tussen draaibene, val effens na sit- en draaibene gevolglik effens dakvormig. Sitbene redelik ver uitmekaar. Bekkenwerwels nie te prominent nie.

STERT

Sertaanhegting redelik hoog maar nie prominent nie, van middelmatige dikte met growwe kwas en lengte tot onderkant hakke.

(VII) DYE, BROEK EN BINNEBOUD (12 punte)

Dye breed, vol, dik en diep.

BROEK

Lank en breed. Sterk af tot naby hakke dog nie oordrewe rond nie.

BINNEBOUD

Diep en vol.

(VIII) BENE, KLOUE EN BEENSTRUKTUUR (10 punte)**BENE**

Onderste skenkels redelik kort, sterk, reguit en vierkantig geplaas. Knieë en hakke groot en sterk. Goed gespierd.

KLOUE

Groot, hard, swart en mooi gerond.

BEENSTRUKTUUR

Kwaliteit getoon deur 'n sterk harde en plat been.

(IX) MANLIKE ORGANE

(8 punte)

TEELORGANE

Egalig gevorm, goed ontwikkel en ewe groot teelballe met minimum testes omvang volgens minimum Standaarde – Punt 1.2.4.

SKEDE

Nie oormatig ontwikkel.

(X) VEL EN HAAR

(3 punte)

VEL

Dik. Los en soepel.

HAAR

Blink-swart, van medium lengte en fynheid, growwer in die nek en kop, reguit, blink en dig.

1.1.2 Koei**(I) ALGEMENE VOORKOMS**

(20 punte)

'n Swart aangepaste vleisbees met 'n treffende lang lyf.

RASEGTHEID EN KARAKTER

Soos blyk uit 'n statige vroulike kop, vorm van oë en kop. Kromming en deursnit van horing, lenige verfynde nek en netjiese aanhegting en plasing van skouers, lengte van rug en kruis, haarkleur en tekstuur.

BOUVORM

Duidelik omlyn, reguit, goed gebalanseer, simmetries en egalig gevlees. Lang lyf, redelik diep, breed, groot kapasiteit met 'n aanvallige bo- en onderlyn. Gemaklike vry gang met lang tree.

KWALITEIT

Soos blyk vir 'n soepel los vel, haarbedekking en tekstuur, sterk, platbeen met egalige vleisbedekking.

KLEUR

Blink-swart met die verskynsel af en toe van grys kolle op die lyf en grys stertkwas. Wit is toelaatbaar in die onderlyn.

(II) MASSA EN GROOTTE VIR OUDERDOM (3 punte)

Grootte en massa vir ouderdom gebaseer op Produksie gegewens, soos verskaf deur die Amptelike Produksie Aantekening Stelsel is vereiste vir keuring. (Verwys na standarde Afdeling 1.2.3).

(III) KOP EN HORINGS (10 punte)**NEUSSPIEËL EN BEK**

Breed met groot swart neusgate, kakebeen goed ontwikkel.

Oë

Groot en wakker, wyd geplaas, oogbanke nie te prominent nie.

GESIG

Middelmatige lengte van oë tot bek, dog goed gevul, reguit en wyd.

VOORKOP

Effens kort, breed, reguit, plat en gevul beide tussen die oë tot onder die horings.

PROFIEL

So te sê 'n reguit lyn, dog nie hol nie.

KRUIN

Plat en wyd, tot effens prominent by onthoringde diere.

ORE

Groot, dog nie spits nie.

HORINGS

Sterk en matig lank, wit met swart punt by volwasse diere. Rond of effens ovaal uit kop kop dan vorentoe en opwaarts. Onthoringde diere en natuurlike SP poenadiere is toelaatbaar.

(IV) NEK, SKOF EN KEELVEL (6 punte)**NEK**

Fyn, lenig dog reguit en sterk met goeie diepte wat mooi aansluit aan kop en skouers.

SKOF

Feitelik geen skof nie.

KEELVEL

Goed en eweredig ontwikkel. Sterk van kakebeen tot borsstuk.

(V) SKOUERS, BORSSTUK, BORSKAS, RIBBES EN KAPASITEIT

(12 punte)

SKOUERS

Diep, goed egalig gevlees. Fyn en mooi aan ribbes en kambene gevoeg. Kambene nie prominent nie.

BORSSTUK

Nie prominent nie, wyd en redelik diep.

BORSKAS

Redelik diep, wyd en vol agter blaaië en elmboë.

RIBBES EN KAPASITEIT

Goeie sprong van ribbes, rond en diep met goed ontwikkelde verteringsruimte.

(VI) BOLYN, RUG, LENDE, HEUPE, KRUIS EN STERT

(16 punte)

BOLYN

Lank en reguit van kambene tot heupe.

RUG

Opvallend lank, breed en eweredig gevlees.

LENDE

Breed vol en dik gevlees met mooi inskakeling by rug en kruisstuk.

HEUPE

Breed en goed bedek, maar nie met prominente heupbene nie.

KRUIS

Goed gevul en opvallend lank sonder vetophoping, wyd tussen draibene met 'n effense val na die sitbene en draibene gevolglik effens dakvormig. Sitbene redelik ver uitmekaar. Bekkenwerwels nie te prominent nie.

STERT

Sertaanhegting redelik hoog maar nie te prominent nie, van middelmatige dikte met growwe kwas en lengte tot onderkant hakke.

(VII) DYE EN BROEK EN BINNEBOUD

(10 punte)

Dye breed, vol, dik en diep.

BROEK

Lank en breed. Sterk af tot naby hakke dog nie oordrewe rond nie.

BINNEBOUD

Diep en vol.

(VIII) BENE, KLOUE EN BEENSTRUKTUUR (10 punte)**BENE**

Onderste skenkels redelik kort, sterk, reguit en vierkantig geplaas. Knieë en hakke groot en sterk. Goed gespierd.

KLOUE

Groot, hard, swart en mooi gerond.

BEESTRUKTUUR

Kwaliteit getoon deur 'n sterk, harde en platbeen.

(IX) VROULIKE ORGANE (10 punte)**UIER**

Groot, soepel, lang uier met goeie voor- en agteraanhegting, nie vlesig of hangend nie. Melkare groot en vertak.

SPENE

Spene van middelmatige lengte vierkantig en wyd uitmekaar geplaas.

(X) VEL EN HAAR (3 punte)**VEL**

Los en soepel.

HAAR

Blink-swart van medium lengte en fynheid, reguit, blink en dig.

VIR KEURING

1.1.3 Bulle moet minstens 70% van totale puntetelling behaal.

1.1.4 Vroulike diere moet minstens 60% van puntetelling behaal.

1.1.5 Minstens 50% van 'n onderafdeling van die standaard moet behaal word deur bulle en vroulike diere.

1.1.6 Punting

1+	behaal 95% of hoër
1	behaal 90 tot 94%
1-	behaal 85 tot 89%
2+	behaal 80 tot 84%
2	behaal 75 tot 79%

2-	behaal 70 tot 74%	
3+	behaal 65 tot 69%	(manlike diere word afgekeur)
3	behaal 60 tot 64%	
3-	behaal 55 tot 59%	(vroulike diere word afgekeur)

1.2 PRODUKSIE STANDAARDE (AMPTELIK)

1.2.1 Reproduksie

- i) Die minimum kere wat 'n koei op vasgestelde ouderdomme moet kalf, verskyn in die volgende tabel:

<u>Ouderdom</u>	<u>Minimum aantal kalwers</u>
3 jaar en 100 dae	1
5 jaar en 100 dae	2
6 jaar en 100 dae	3
8 jaar en 100 dae	4
9 jaar en 100 dae	5
10 jaar en 100 dae	6
12 jaar en 100 dae	7

Elke geval sal volgens meriete behandel word.

1.2.2 Melkproduksie en moederlike vermoë

- i) 'n Koei moet minstens twee uit enige drie agtereenvolgende kalwers tot speenouderdom grootmaak.
- ii) 'n Koei sal uitgeskot word as meer as twee agtereenvolgende kalwers se speenindeks onder 90 is, behalwe as sy oor die ouderdom van 12 jaar en 3 maande is.
- iii) Elke geval sal op meriete hanteer word.

1.2.3 Groeivermoë van bulle en verse (Voor- en naspeense groei)

Keuringsvereistes is soos volg:

- i) Amptelike produksiegegevens van minstens twee massabepalings moet beskikbaar wees
- ii) Indien verse voor die ouderdom van 18 maande gekeur word sal die speen- en 12 maande gegewens vereis word.
- iii) Indien die diere nie op 12 maande geweeg is nie sal die speen- en 18 maande gegewens vereis word.
- iv) Tydgenote wat vir keuring aangebied word moet altyd as 'n geheelgroep voorkom.

Die volgende minimum produksiestandaard geld:

Speenindeks minstens	90
12 Maandeindeks minstens.....	90
18 Maande indeks minstens	90

Waar twee of drie indekse beskikbaar is mag een van die indekse onder 90 wees maar die gemiddelde moet 90 of hoër wees.

Diere wat nie hierdie syfers haal nie mag op Meriete gekeur word as die bouvorm uitstaande is en 'n punting van minstens 2- vir vroulike diere en 2+ vir manlike diere behaal word. Die skrotum omvang van enige bulle mag, indien daar twyfel bestaan, deur die inspekteur gemeet word en die gegewe riglyn gebruik word.

Groeivermoë van Bulle

Keuringsvereistes is soos volg:

Waar amptelike naspeense groeitoetse plaasgevind het moet al die beskikbare tydgenote as 'n groep vir keuring aangebied word, verkieslik direk na die toets gesluit het.

i) Bulle – Op die Plaas Groei toetse en Sentrale Groei toetse

Die volgende minimum produksie standaardde geld:

Speenindeks minstens90
G.D.T indeks minstens90
Kleiber indeks minstens Op die Plaas Groei toetse	...90
V.O.V. indeks minstens Sentrale Groei toetse	...90

Minimum skrotum omvang vir bulle in Naspeense Groeitoetse:

		Werklike mate	Gekorrigeerde mate
Massa	300 tot 349 Kg	28 cm	305cm
Massa	300 tot 325 Kg	29 cm	
Massa	350 tot 399 Kg	30 cm	
Massa	400 tot 449 Kg	31 cm	
Massa	450 tot 499 Kg	32 cm	
Massa	500 tot 549 Kg	33 cm	
Massa	550 Kg +	34 cm +	

1.3 Funksionele en Visuele evaluasie

Die klem word geplaas op die funksie van die dier en tipe. Diere met erflike gebreke of met afwykings wat die funksie betekenisvol benadeel volgens die oordeel van die inspekteur sal uitgeskot word.

**Diskwalifikasie (dier word afgekeur)

*Diskriminasie wat tot diskwalifikasie kan lei.

a. KOP

Diskwalifikasie

Kort onderkaak
Lang onderkaak
Skewe bek
Skewe gesig
Skewe neusspieël
Ligte onderkaak

b. VOOR- EN AGTERBENE

Diskwalifikasie

Uitgroei kloue
Deursak kote
Afwesigheid van bykloutjies
Bokknieë of knieë na agter gebuig
Laminitus

c. SKOUERS

Diskwalifikasies

Te los
Kambene wat ver bo skouers uitstyg

d. BORS, RUG EN MIDDELSTUK

Diskwalifikasie

Duiwelsgreep (geknyp agter blaai)
Kromrug van agter gesien (Skoliose)
Boggelrug

e. BEKKEN, KRUIS EN STERT

Diskwalifikasie

Skewe stertwortel aanhegting
Aangebore kinkel in stert (boonste derde)

f. REPRODUKSIE

Diskwalifikasie

Prolapse van voorhuid

Hipoplasie van teelballe (enkel of bilateraal)
Byballe gedeeltelik afwesig (Epididymis)
Kriptorchidisme (een of albei testes nie volledig in skrotum)
Vulva wat horisontaal neig
Spene afwesig

Diskriminasie

Kompakte of oormatige lang kop
Fyn of spitsbek
Leeuken

Diskriminasie

Wydgesplete kloue
Kloue daai na binne
Kloue onewe van lengte of lang kloue
Regop kote
X-benig
Bakbenig
Duiftong
Sekelhakkig of regophakkig

Diskriminasie

Holrug
Plat middelstuk van agter gesien
Gebrek aan diepte

Diskriminasie

Smal bekken
Plat, dakkige- of hangkruis
Baie prominente sterwortel

Diskriminasie

Vlesige skede

Lang skedevel bo skedeopening
Gedraaide stringe
Lang swaaiende skrotum
Vulva wat infantiel is
Swak uierontwikkeling
Spene klein

Erflike ongebalanseerde uier
Misvormde spene

g. ALGEMEEN

Diskwalifikasie

Kroes hare of wollerige somerkleed

Wilde temperament

Dwergeienskappe

Dubbelbespierung

Dubbele vel

Vaal, skiller of groot wit kolle buite onderlyn

Hele witkwas (Gryskwas toelaatbaar)

Wit aan bene

Algehele rooi hare op kop of lyf

Ander afwykings wat nie gelys is nie

*Kroniese opblaas

*Swak konstitusie

**Enige ander genetiese afwykings

Diskriminasie

Lang haarkleed

Bulle met vroulike of osserige voorkom

Verse met osserige voorkoms

Ponie-tipe of te grootraam-tipe

Swak bespierung

Fyn of growwe skelet

1.4 GRYSVLEK OF GEBOORTEVLEK

Swart gepigmenteerde vel met swart en wit hare.

1.5 BEESTE GEKEUR AS HULPSTAMBOEK A

Moet minstens 15 maande oud wees, wanneer hulle gekeur word.

'n Volledige geskiedenis op skrif van die diere moet die aansoek om keuring vergesel.

Poenskop diere mag as Hulpstamboek A diere gekeur word. (sien Verordeninge 1.4.2.c)

Bulle as Hulpstamboek A gekeur moet minstens 80 punte behaal.

“Hulpstamboek” en/of Veelvuldige Vaars nageslag wat fenotipies “cum” genotipies aan Standaarde van teling voldoen.

SKEDULE D

VEILINGS

A VOORWAARDES VIR AMPTELIKE-, KLUB-, PRODUKSIE-, GROEPS- OF SPESIALE VEILINGS (hierna verwys as die Instansie). VIR ALLE RAS VEILINGS GELD HIERDIE REËLINGS NET VIR DIE DRAKENSBERGERS.

1. Die kantoor moet in kennis gestel word van alle veilings.
2. Die verantwoordelike persoon moet die inskrywings aan die kantoor stuur. Inligting moet bestaan uit die teler se Naam en kudde nommer en die dier se ID-, rekenaar nommer en enige opmerkings. By vroulike diere wat as dragtig aangebied word, moet die moontlike vaars aangedui word sowel as die DNS nommers van die vaars. Kalwers wat saam met hul moeders aangebied word moet reeds aangeteken wees en hul ID nommer sowel as die vaar moet aangedui word. In die geval van Veelvuldige vaars moet die moontlike vaars en hul DNS nommers aangedui wees.
3. Die Kantoor sal die katalogus inligting vanaf SA Stamboek aanvra en met die ontvang van die “draft weergawe”, dit nagaan vir probeem gevalle en die nodige stappe neem. Die finale weergawe sal dan vanaf die vereniging verkry word en aan die verantwoordelike persoon en die Afslers maatskappy gestuur word.
4. Die Instansie is self verantwoordelik vir die druk en verspreiding van die katalogus.
5. Die Instansie is in samewerking met die afslers verantwoordelik vir al die reklame.
6. Inskrywingsgelde sal deur die Instansie bepaal word en moet aan die deelnemers oorgedra word. Alternatiewe reëlins ten opsigte van advertensie gelde en boetes mag deur die Instansie getref word.
7. Alleenlik goedgekeurde diere sal tydens veilings vir verkoop aangebied word. Geen keurings sal tydens “screening” geskied nie. Alle diere moet gebrand wees met die KKM, Jaartal, Volgnommer en die “D”.
8. Die Raad wys twee Beskermhere vir die veiling aan en stel hulle en die Instansie in kennis.
9. Diere moet minstens 24 uur voor die aanvang van die veiling op die bestemde plek wees, of soos deur die betrokke Instansie bepaal, om geïnspekteer te word.
10. 'n Verteenwoordiger van die afslers sal die diere by die veilingsterrein ontvang en die lot nommers volgens die katalogus op die diere aanbring.
11. Eienaars moet die Beskermhere en Afslers in kennis stel van enige beserings wat die diere in transito opgedoen het.
12. Die Beskermhere sal diere voor die veiling inspekteer volgens die Standaard van Voortreflikheid en veilingskondisie. Diere wat nie aan standarde voldoen nie, moet onttrek word en mag nie vir verkoop aangebied word nie.
13. Vir alle manlike diere moet daar 'n vrugbaarheids sertifikaat wees wat die nommer van die dier bevat, sertifiseer dat die dier vrugbaar is, vry van Trichomoniasis en na sy mening geskik is vir teling. Hierdie sertifikaat moet onderteken wees deur 'n veearts of deur 'n persoon soos deur die Raad goedgekeur.
14. Bloulint bulle sal, indien die klubs dit verlang, deur die Beskermhere aangewys word. Bloulinte sal slegs toegeken word aan bulle met gemiddelde produksie indekse van 95 of beter. Geen bul met 'n indeks van onder 90 sal in aanmerking kom vir 'n bloulint nie. Die bul se moeder se gemiddelde TKP moet ook minder wees as 450 dae, met uitsluiting van eertste kalf koeie.

15. Vroulike diere, ouer as 30 maande, se staat van dragtigheid moet binne 30 dae voor die veiling gesertifiseer wees en TB en BM sertifikate nie ouer as 12 maande moet beskikbaar wees tydens finale keuring voor die veiling.
16. Vrugbaarheids sertifikate moet tydens die inspeksie beskikbaar wees vir kontrolering. Eienaars moet self die verkoopte diere aan die nuwe eienaars oordra.
17. Die Instansie besluit oor die volgorde van verkopers en die aantal diere per rondte.
18. Die minimum verkoopprijs van die bulle en aanteelwee sal jaarliks deur die verkopers bepaal word.
19. Die verkopers is verantwoordelik vir die voer en water van sy diere totdat die bod toegeslaan is.
20. Geen afgekeurde manlike diere mag op die veiling verkoop word nie.
21. Vroulike diere wat nie deur die Beskermhere goedgekeur is vir die veiling nie mag nie “onder Beskerming” verkoop word nie. Hulle mag wel as kommersieële diere aangebied word en dit moet voor en tydens die veiling aangekondig word. Dit geld ook alle ander kommersieële vroulike diere.

B. VOORDELE TEN OPSIGTE VAN VEILINGS ONDER BESKERMING VAN DIE GENOOTSKAP.

Vir die betaling van .5% kommissie op die totale omset van Geregistreerde en Aangetekende diere verkoop, kan die lid die volgende verwag:

1. Twee Beskermhere word vir die veiling aangewys om tot voordeel van die veiling op te tree.
2. Veilings datum en besonderhede word jaarliks gratis op die almanak geplaas indien die kantoor die nodige inligting voor die sperdatum van 1 Oktober die vorige jaar ontvang.
3. Veilings datums word gratis op of in sekere amptelike reklame publikasies en Nuusbriewe geplaas.
4. Reiskoste van die Beskermhere vir die veiling word deur die Genootskap betaal, na die indiening van hul eis. Verblyf van die Beskermhere moet deur die instansie, op eie koste, voorsien word.
5. Enige inligtingstukke kan deur die kantoor aan ons adreslys gestuur word op eienaars koste of deel koste met ander pos.
6. Enige ander bystand ten opsigte van die Veiling sal op eienaarskoste wees.
7. Die Kantoor of Raad sal egter te alle tye bereid wees om telers gratis van raad te bedien.
8. “Screening” van alle Geregistreerde en Aangetekende diere sowel as die nagaan van alle sertifikate van die betrokke diere.
9. Die Beskermhere is tydens die veiling teenwoordig om voornemende kopers van advies te voorsien.
10. Die Beskermhere mag aankondigings en positiewe opmerkings vanaf die rostrum doen op versoek van die instansie.
11. Veilings navrae aan die kantoor moet aan die verantwoordelike persoon deurgegee word.

C. AANBEVELINGS VIR BEVREDIGENDE, SUKSESVOLLE VEILINGS ONDER BESKERMING.

1. Dat onproduktiewe diere nie verkoop word nie.
2. Dat onvrugbare of laagvrugbare bulle nie verkoop mag word nie.

3. Dat alle vroulike geslagsaktiewe diere vir dragtigheid getoets word. Positiewe resultate lok kopers.
4. Gebruik die Beskermhere, hulle is daar, om te alle tye die veiling positief te be-invloed.
5. Handhaaf te alle tye `n positiewe houding ten opsigte van die veiling.
6. Dat dit duidelik moet blyk dat die eienaar/verkoper openlik wil wees met elke transaksie.
7. Daar moet na die veiling `n oop verhouding tussen koper en verkoper wees.

E. KOPERS EN DIE VERKOPERS VAN DIE DIERE OP VEILINGS ONDER BESKERMING.

DIT MOET AANVAAR WORD:

Dat die Drakensberger kantoor, Raad en Genootskap nie kan instaan vir onopsigtelike gebreke, foute of siektes onder diere nie. Waar sulke probleme voorkom sal:

1. Die verkoper die aangeleentheid met die koper moet regstel.
2. Siviele sake nie deur die Genootskap gedryf word nie.
3. Leiding en raad aan kopers en verkopers gegee word om klagtes op te los.
4. Waar oortredings soos in die Konstitusie vermeld word voorkom, sal die Raad wel teen lede optree wat misleidende informasie of gegewens oorgedra het.

SKEDULE F

PROSEDURE

AANSTELLING VAN HOOFRAS, SENIOR- EN JUNIORKEURDERS EN –BEOORDELAARS

A. JUNIOR BEOORDELAARS / KEURDER

1. Na suksesvolle aflegging van Leerling Keurders kursus, volg die meedoen aan 3 volledige keuringstoere op eie koste, om sodoende te kwalifiseer as Junior Keurder, waar onder leiding van Senior Keurders:
 - 1.1 taktvolle hantering van lede en hulle beesbelange deur voorbeeld en leiding ge-illustreer en beklemtoon word;
 - 1.2 kennis van die Drakensberger Beesras gevestig en verbreed word;
 - 1.3 administratiewe probleme vir lede opgelos word en
 - 1.4 kantoorprosedures by goedkeuring, afkeuring of oorstaan van diere, vir die verskeie telingsregisters, deeglik geillustreer en tuis gebring word.
2. Na elke keuringstoer moet Senior Keurders wat betrokke toere lei, verslag met betrekking tot die kennis, vernuf en optrede van toekomstige Junior Keurders lewer.

3. Verslag m.b.t. gewilligheid om te leer, kennis van die ras, optrede teenoor telers moet die kern verslag van Hoof Ras en Senior Beoordelaars na elk van die 3 keuringstoere wees en finale verslag na 3de toer

B. SENIOR BEOORDELAARS / KEURDER

1. Na die Junior Keurder/Beoordelaars status verkry is, moet 'n tydperk volg van minstens 3 keurings toere, beoordeling en leiding, soos in A hierbo uiteengesit aan die Junior gegee word.
2. Die huidige Senior keurders sal die Junior Keurders dan by die Raad aanbeveel as Senior Keurder of Beoordelaar.

C. KEURDERS

C1 Opdragte

- (a) Keurders tree op namens en onder die beskerming van die Genootskap.
- (b) Moet hulle vergewis van die geskiedenis van Hulpstamboek A beeste voordat keuring in aanvang neem.
- (c) Alle goedgekeurde beeste sal met 'n D op die linkerblad gebrand word. Oorkode nommers sal op die linkerheup gebrand word.
- (d) Geen diere onder 12 maande mag gekeur word nie tensy die dier in 'n intensiewe groeitoets was welke dier dan bo 10 maande mag wees.
- (e) A.g.v. die gevaar van ongewensde faktore soos abnormale groot of klein beeste, gebroke vel of enige ander abnormaliteit moet die keurders hulle streng by die ideaal soos omskrywe in die "Standaard van Voortreflikheid" (Skedule C) hou.
- (f) Brand van beeste- dat nuwe diere in teenwoordigheid van die keurders gebrand word. Keurders eie diskresie gebruik aan welke lede dit oorgelaat kan word om self die D en nommers op hul diere te brand.
- (g) Keuring van oorstaan diere – In oorleg tussen die teler en die keurders kan die diere wat te jonk in voorkoms en onderontwikkel is, oorstaan en geen aantekening sal aangebring word nie. Die diere sal dan gelaat word tot die volgende jaar se keuringstoer. Op 2 jarige ouderdom moet diere wat voorgebring word minstens dan vir die eerste keer gekeur word. Indien 'n teler daarop aandring dat diere wel gekeur word onder 2 jaar of tussen 2 en 3 jaar dan moet dit as 'n eerste keuring beskou word en indien daar is wat oorstaan, moet die keurder wel op die keuringsvorm aanteken met redes waarom die dier oorstaan ~ met die datum en die handtekening en nommer van die keurder daarby. Met die 2de keuring moet die dier goed- of afgekeur word nadat die keurders hul vergewis het van die redes vir "oorstaan", indien die siek is, staan die dier oor wat dan op die keuringsvorm gemeld moet word. Die 2de keuring mag plaasvind nadat die dier 3 jaar oud is.
- (h) Bulle wat oorstaan en weer in dieselfde jaar aangebied word vir keuring en indien die keurders wat die bulle laat oorstaan het nie die keuring kan doen nie, moet skriftelike toestemming deur daardie keurders verleen word dat ander keurders die "oorstaan" bulle mag keur. Geen bul wat oorgestaan het tydens die jaarlikse of spesiale keurings mag binne 8 maande van sodanige gebeurtenis aangebied word op 'n veiling nie, uitgesluit 'n algehele uitverkoop.

- (i) 'n Kalfboek vers wat dood of beseer is, se kalf wat vir keuring voorgebring word, se status sal behou word.

C2 Goedkeuring van Hulpstamboek A Diere

- (a) Geskiedenis volledig verstrek en deur keurders nagegaan.
 (b) Alle brandmerke en oormerke of kodes van diere moet deur keurders aangeteken word en nie dood gebrand of verander word nie.
 (c) Hulpstamboek A diere moet minstens 15 maande oud wees met keuring.
 (d) Geen kalwers, van die Hulpstamboek A diere wat vroeg gebore is, sal in die boeke aangeteken word nie tensy DNS tipering ouerskap kan bewys.
 (e) Hulpstamboek A diere sal alleenlik by 'n nuwe lid wat onderneem om aan die Produksie Aantekening Stelsel deel te neem, soos in die konstitusie bepaal, gekeur word. Bestaande lede moet *ipso facto* ook hier aan voldoen.
 (f) Hulpstamboek A diere mag binne 12 maande na keuring, nie verkoop en oorgedra word nie.

C3 Bulle wat aan Sentrale toetsstasies getoets en gekeur word moet ook gepunt word.

SKEDULE G

1. AANSOEK OM LIDMAATSKAP – STOETTELERS

Voorbeeld volg. Bylae B

2. AANSOEK OM LIDMAATSKAP – Kommersiële TELERS

Voorbeeld volg. Bylae C

3. AANSOEK OM SPESIALE LIDMAATSKAP- Betrokke by Stoetteling

Voorbeeld volg. Bylae ??

SKEDULE H

1. AANSOEK OM KEURING

Voorbeeld volg. Bylae D

2. KENNISGEWING VAN KEURING EN BRAND VAN DIERE

Die keuringsdatum sal vroegtydig aan alle lede gesirkuleer word. Voorsiening moet gemaak word dat die keuring 'n dag vroeër of later verskuif kan word weens onvermydelike omstandighede.

Let op die volgende:

- a. Die eienaar sal self sy diere brand met die “D” op die linker voorblad en jaar en ID-nommer op die linker heup (kruis).
- b. Voldoende arbeid en fasiliteite moet beskikbaar wees sodat die keuring vlot kan verloop.
- c. Persoonlike KKM moet reeds gebrand wees.
- d. Keuringsvorm moet in 3-voud voltooi wees met al die toepaslike inligting. (verwys Skedule C 1.2 Produksiestandaarde) Keuringsvorms mag via Logix Beef of plaas sagteware gedruk word.

3. SPESIALE EN Appèl KEURING

- a. Keurders wat vir ‘n spesifieke area aangestel word, sal die volle tydperk van een jaar die area bedien. Indien dit koste doeltreffend is gemelde keurders nie kan gaan nie, sal ander keurders deur die Dagbestuur aangestel word.
- b. Enige teler wat nie met die inspekteur se beslissing tevrede is nie, mag binne 3 weke na die inspeksie appèl aanteken by die sekretaris vir die betrokke dier(e) en die nodige deposito betaal soos van tyd tot tyd deur die Raad bepaal.
- c. Telers mag aansoek doen vir ‘n Spesiale keuring direk nadat ‘n naspeense groeitoets voltooi is. Dit sal soos ‘n gewone keuring hanteer word. Keuringskoste sal deur die telers betaal word. Telers mag egter ‘n voorlopige seleksie self afhandel en die res van die bulle as ‘n groep voor die keurders bring tydens die jaarlikse keuring.
- d. Bulle, getoets by ‘n Sentrale toetsstasie, se keuring sal deur die Genootskap gereël word nadat die kantoor in kennis gestel word deur die betrokke toetsstasie. Telers moet egter die inspeksievorm in triplikaat aan die toetsentrum stuur sodat dit aan die betrokke keurders oorhandig kan word. Telers sal verantwoordelik wees vir die keuringskoste.
- e. Persoonlike KKM moet reeds gebrand wees.

SKEDULE I

SERTIFISERING

Daar het as gevolg van onnodige probleme by voerkraal aankopers, die behoefte ontstaan om Drakensberger kuddes as rasreg te laat sertifiseer.

Dieselfde prosedure geld as by die aansoek om keuring. Sien asseblief die “Aansoek om Sertifisering Vorm” – Bylae E.

SKEDULE J

SERTIFIKATE

1. SERTIFIKAAT

Geen Sertifikate sal deur Stamboekvereniging uitgereik word nie tensy ‘n teler so ‘n sertifikaat aanvra. Die teler is dan verantwoordelik vir die koste daarvan.

- Naspeenindeks: GDT 100 of hoër
Voeromsetvermoeë (*Sentrale toets*) 100 of hoër
- Doeltreffendheidsindeks (Op die Plaas toets) 100 of hoër
- Skrotum omvang 29cm of hoër (einde Na-speense toets)
- Voorkoms Funksioneel doeltreffend

SKEDULE L

KOMITEES

Die Raad sal van tyd tot tyd die volgende subkomitees aanstel.
Huidiglik is daar:

1. Uitvoerende Komitee/Dagbestuur
2. Finansiële Komitee
3. Reklame Komitee
4. Tegniiese Komitee

SKEDULE M

KLUBS

1. 'n Groep telers mag by die Raad aansoek doen om vir die stigting van 'n Klub.
2. Hulle moet 'n konstitusie aan die Raad voorlê vir goedkeuring.
3. Geen aangeleentheid m.b.t. sake of aangeleenthede wat die prerogatief van die Genootskap is mag op Klubvergaderings bespreek word nie.
4. Boeredae moet met die goedkeuring en samewerking van die Raad gereël word.
5. Lede mag aan meer as een Klub behoort.

SKEDULE N

SKOUE

1. Streekskampioenskappe kan jaarliks, met die goedkeuring van die Raad, afwisselend in elke provinsie gehou word.
 - (a) 'n Minimum van 30 inskrywings word vereis.
2. Twee beoordelaars sal op Kampioenskapskoue beoordeel.
3. 'n Kampioenskapskou sal van tyd tot tyd gehou word.

4. Tensy met gelewerde bewyse van geboortedatum kan Hulpstamboek A diere nie in ouderdomsklasse, met die uitsondering van oop klasse, deelneem nie.
5. Geen vroulike diere (verse uitgesonder) mag op 'n skou meeding tensy dragtig of met 'n suipkalf.

SKEDULE O

OORDRAGTE

1. AANSOEK OM OORDRAGTE

Alle aansoeke om oordragte, met oordrag datum, nuwe eienaar se besonderhede, dier se ID- en rekenaar nommer, moet skriftelik aan S A Stamboek gestuur word.

2. INSTRUKSIES

- (a) As 'n dier verkoop word of op enige ander manier oorgedra word na iemand anders, moet die oordrag volledig deur die verkoper of oordraer op die vorm aangebring en onderteken word. Die voltooide vorm moet dan deur die Verkoper of Oordraer gestuur word aan die Vereniging. Dit mag ook elektronies geskied.
- (b) Die kennisgewing van oordrag, moet die Vereniging binne 30 dae vanaf die datum van oordrag bereik.
- (c) Geen verandering, amendemente of byvoegings mag deur enige eienaar op die vorm aangebring word nie, behalwe vir die invul van 'n oordrag van 'n nuwe eienaar op die aangewese plek daarvoor op hierdie vorm aangebring.
- (d) Indien 'n eienaar 'n fout in hierdie vorm ontdek, moet die vorm tesame met 'n skriftelike uiteensetting van die fout, of vereiste byvoeging of amendement, onmiddelik aan die Vereniging teruggestuur word.
- (e) Kalwers wat met hulle moeders verkoop word se inligting moet saam by die moeders aangeheg word.
- (f) Alle Geboortekennisgewing-kalwers moet die eienaar se persoonlike kudde brand op hê alvorens hulle verkoop word.
- (g) Koeie en verse wat by bulle geloop het moet van 'n deksertifikaat voorsien word alvorens hulle verkoop word.
- (h) Geen vroulike dier mag oorgedra word indien hulle nie aan die minimum standarde voldoen nie.

SKEDULE P

INOVULERING

1. Reëls MET BETREKKING TOT DIE OPVANG VAN EISELLE EN INOVULERING

1.1 Diere wat wettiglik deur inovulering ontstaan het (d.i. in ooreenstemming met Wet 25 van 1977) sal vir aantekening of registrasie in aanmerking kom: op voorwaarde dat:

- (a) aan die vereistes van die Grondwet MUTATIS MUTANDIS voldoen word;
- (b) ouerskap in elke instansie deur DNS bevestig is;
- (c) die volgende dokumente binne 90 dae na inovulering ingedien word:
 - i) die betrokke insemineringsertifikaat (indien van toepassing),
 - ii) 'n behoorlike voltooide inovuleringsertifikaat,
 - iii) die DNS serifikate en DNS laboratoriumnommers van die eisel skenker en semen skenker.
- (d) die geboortekennisgewing vergesel is van 'n DNS sertifikaat en 'n DNS laboratoriumnommer van die betrokke nageslag;
- (e) dat beide die semen skenker en die eisel skenker vir sodanige doeleindes deur die Raad goedgekeur is, wie ook die reg sal hê om die aantal diere wat ontstaan het van eiselle van enige eisel skenker, te beperk vir aanvaarding vir aantekening of registrasie,
- (f) nageslag wat deur inovulering ontstaan het sal vir aantekening of registrasie aanvaar word onderworpe daaraan dat die betrokke nageslag geïnspekteer word en voldoen aan die minimum produksie-vereistes soos deur die Genootskap bepaal mag word.

1.2 Die Genootskap behou die reg voor om deur middel van sy ampsdraers toesig te hou oor en inspeksie uit te voer aangaande die rekordhouding van die opvang van die eiselle en inovulering.

1.3 Telers wat in sodanige gebiede buite die RSA woon sal die voorreg van aantekening of registrasie geniet ooreenkomstig die bepaling van Wet 25 van 1977 en mag aansoek doen vir aantekening of registrasie van nageslag wat deur inovulering ontstaan het op voorwaarde dat die eiselle verkry is van 'n bron wat deur die Genootskap en Stamboek goedgekeur is, en verder op voorwaarde dat die opvang van eiselle, die hantering daarvan, die inovulering van diere en die hou van verslae op so wyse gedoen word as wat Stamboek van tyd tot tyd mag bepaal.

1.4 Indien 'n dier waarvan eiselle opgevang was vir die doel van inovulering verkoop word, moet die verkoper van sodanige dier aan die nuwe eienaar 'n sertifikaat verstrek waarin dit aangedui word dat eiselle van sodanige dier opgevang was voor datum van verkoop en moet hy die Genootskap met soortgelyke sertifikaat voorsien.

1.5 Die Genootskap behou die reg voor om te weier om nageslag wat deur inovulering ontstaan het, te aanvaar vir aantekening of registrasie indien enige van hierdie Verorderings nie ten volle nagekom word nie.

2. MINIMUM VEREISTES – EMBRIO SKENKERS

Die Rasgenootskap sal embrio oorplasing in ooreenstemming met die “Veeverbeterings wet van 1977” soos gewysig, bevorder.

2.1 AANSOEK PROSEDURE

- (a) Doen skriftelik aansoek by die Genootskap en stuur die produksie data van die voornemende skenkerkoeie.
- (b) Die Standaard van die Vader en skenkerkoeie moet aan die minimum Rasstandaarde voldoen.
- (c) Ontvanger koeie moet permanent geïdentifiseer wees met ordelike rekords aangeteken van embrio kalwers.
Drakensberger tipe koeie word verkies, Suiwer melkrasse en hulle kruise wat oorwegend melkras is, is onaanvaarbaar.
- (d) Alle nageslag moet voldoen aan die minimum Rasstandaarde. Ontvanger koeie moet verkieslik gedurende die normale kalfseisoen kalf.
- (e) Vir uitvoer moet Koeie Pref A slaag

2.2 PRESTASIESTANDAARDE VAN SKENKERKOEIE

- (a) Volgens Preferenskapstelsel – Skedule S

SKEDULE Q

TOELAES

1. Toelaes sal van tyd tot tyd deur die Raad bepaal word:

- (a) President
- (b) Vice-President
- (c) Raadslede, Dagbestuur en Keurders
 - i) Etes
 - ii) Reistoelaes

SKEDULE R

HULPSTAMBOEK

1. Hulpstamboek: 13(2) Konstitusie (Algemene Verorderings)

- (a) Hulpstamboek register is vanaf 1 Julie 1981 geopen.

- (b) Alle nuwe vroulike diere word as Hulpstamboek A goedgekeur volgens Standaard van Voortreflikheid. Die manlike nageslag van Hulpstamboek A sal as B in die Hulpstamboeksregister opgeneem word, indien goedgekeur. Bulle mag ook as Hulpstamboek A goedgekeur word.

SKEDULE S

VEREISTES VIR PREFERENSKAP TOEKENNINGS

1. Koei moet lewendig wees op lopiesdatum van die Preferenskap Toekennings verslag.
2. Koei moet in besit wees van 'n aktiewe S A Stamboek lid op lopiesdatum van die Beste Produserende Koei verslag.
3. Koei moet minstens twee geïnspekteerde nageslag (d.w.s. met 'n inspeksiedatum) op rekord hê op lopiesdatum van die Preferenskap toekennings verslag.
4. Koei se ouderdom by eerste kalwing mag nie hoër wees as 1 187 dae (39 maande).
5. Koei se gemiddelde TKP (vir alle natuurlike kalwings) mag nie hoër wees as 425 dae.
6. Koei moet 'n normale kalwing gehad het binne 548 dae (18 maande) voor lopiesdatum van die Beste Produserende Koeie verslag.
7. Na die eerste kalf met 'n geldige speengewig, mag die koei maksimum twee kalwers hê sonder 'n speengewig of met 'n ongeldige speengewig.
8. teelwaarde vereistes:
 - 8.1 Slegs koei op 'n Genetiese evaluasie nie ouer as 18 maande op lopiesdatum van die Preferenskap Toekennings verslag, sal oorweeg word.
 - 8.2 Speen direkte teelwaarde in die beste 50% van die aktiewe vroulike diere in ras.
 - 8.3 Speen maternale teelwaarde in die beste 50% van die aktiewe vroulike diere in ras
 - 8.4 Geboorte direkte teelwaarde in die laagste 99% van die aktiewe vroulike diere in die ras.
 - 8.5 Geboorte maternale teelwaarde in die laagste 99% van die aktiewe vroulike diere in die ras.

Let Wel: Die nuutste teelwaardes beskikbaar op LOGIX BEEF op lopiesdatum van die Preferenskap Toekennings verslag sal altyd gebruik word.

9. Minimum persentasie goedgekeurde nageslag:

Preferent A toekenning:	Minstens 70% nageslag* goedgekeur
Preferent B toekenning:	Minstens 60% nageslag* goedgekeur
Preferent C toekenning:	Minstens 50% nageslag* goedgekeur

Notas: * -Nageslag verwys na alle nageslag, uitgesluit kalfboek diere (dws uitgesluit nageslag nog nie geïnspekteer nie)